

# Hafnarfjörður

ÞRIÐJUDAGUR 15. MAÍ 2018

Kynningar: Spánarheimili, Fjörður, Hafnarfjarðarkaupstaður, Von Mathús



Starfsfólk fasteignarmiðlunarinnar Spánarheimila (f.v.): Bjarni Sigurðsson, Bjarni Haukur Magnússon, Guðbjörg Hannesdóttir, Hrafnhildur Ósk Eiríksdóttir, Baldur Heimisson og Reynir Logi Ólafsson. Á myndina vantar Susana Garcia Vega.

## Annað heimili í sólinni

Sífelld fleiri Íslendingar kaupa fasteignir á Spáni enda býður landið upp á hagstætt verðlag og stöðuga veðurbliðu. Spánarheimili, sem er staðsett í Firðinum í Hafnarfirði, hefur þá sérstöðu að vera eina fasteignamiðlunin sem hefur bæði skrifstofu og starfsmenn á Íslandi og á Spáni.

**M**ikill vöxtur hefur verið í sölu fasteigna á Spáni undanfarið ár eftir að gjaldeyrishöftin voru afnumin í mars á síðasta ári. Íslendingar hafa alltaf haft sterkar taugar til Spánar enda býður landið upp á hagstætt verðlag, stöðuga veðurbliðu, fallegar strandir og góða golfvelli svo fátt eitt sé talið.

Sú fasteignamiðlun sem er í fararbroddi þegar kemur að sölu fasteigna á Spáni hér á landi heitir Spánarheimili og er staðsett í Hafnarfirði. Spánarheimili er tíu ára gamalt fyrirtæki og hefur m.a. þá sérstöðu að vera eina fasteignamiðlunin sem hefur bæði skrifstofu og starfsmenn á Íslandi og á Spáni. Starfsmenn Spánarheimila,

sem eru sjö talsins, búa allir eða hafa búið á Spáni og er því óhætt að segja að þeir þekki aðstæður mjög vel segir Bjarni Sigurðsson, framkvæmdastjóri Spánarheimila. „Við búum yfir öflugum og reynslumiklum hópi starfsmanna sem m.a. telur tvo íslenska og einn spænskan lögfræðing ásamt íslenskum fyrrverandi útibússtjóra

spænsks banka. Starfsfólk okkar hefur áralanga reynslu af sölu og fjármögnun fasteigna á Spáni og þekkir því vel til allra aðstæðna og staðhátta á Costa Blanca svæðinu. Costa Blanca er á Sudaustur-Spáni en það er markaðssvæðið sem við einbeitum okkur að enda stærsta orlofshúsabyggð í Evrópu auk þess sem það er beint flug til og frá

Íslandi á svæðið. Einnig seljum við eignir á Tenerife á Kanaríeyjum. Verð fasteigna á þessum slóðum er mjög hagstætt og segja má að hægt sé að selja sumarhúsið á Íslandi og kaupa góða eign í sólinni fyrir peninginn í staðinn.“

Framhald á síðu 2 →



Framhald af forsiðu →

### Eignir í öllum verðflokkum

Þær eignir sem Spánarheimili selja eru í öllum verð- og stærðarflokkum að sögn Bjarna, frá minni blokkaribúðum yfir í stór einbýlishús. Hann segir starfsmenn leggja mikinn metnað í að þjónusta viðskiptavinum sína vel, allt frá fyrsta fundi í Hafnarfirði og í einhvern tíma eftir kaupin svo tryggt sé að búið sé að ganga frá öllum lausum endum og kaupendum komnir vel inn í spænskt samfélag. „Ferlið byrjar á einka- viðtali á skrifstofu okkar í Hafnarfirði þar sem farið er í gegnum allt ferlið. Við sýnum viðskiptavinum aðstæður á myndrænu formi, förum vel yfir úrval fasteigna og þessi helstu atriði. Þegar viðskiptavinur er búinn að þrengja valkostina er næsta skref að fara í skoðunarferð til Spánar. Hægt er að velja um 3, 5 eða 7 daga skoðunarferð á 29.999-49.999 kr. Þar sem flug og gisting er innifalinn en þá er gist í sambærilegu húsnæði og verið er að skoða. Ef kaupin ganga í gegn fæst þessi kostnaður endurgreiddur.“

### Frábær þjónusta

Þegar væntanlegir kaupendur mæta til Spánar tekur íslenskur starfsmaður á móti þeim og keyrir þau að gististaðnum. Hann segir kaupferli fasteigna á Spáni mjög frábrugðið því sem þekktist á Íslandi og því sé ómetanlegt að hafa starfsmenn þeirra sér til aðstoðar. „Daginn eftir er svo farið í skoðunarferð yfir svæðið, fasteignir skoðaðar sem falla undir óskir þeirra, bankar heimsóttir þar sem m.a. er farið yfir fjármögnun, bankaviðskipti á Spáni og hvernig hægt er að sækja um spænska kennitölu. Ef ákvörðun er tekin um kaup er gerður samningur og við aðstoðum að sjálfsögðu við allt ferlið, t.d. er snýr að lögræðiþjónustu, fjármögnun, tilboðum í lán og hugsanlega leiguumsjón. Utan þess aðstoðum við líka við þætti eins og kaup á húsgögnum ef þess þarf, þjónustu iðnaðarmanna ef þess þarf, komum á netsambandi og fleiri praktískum þáttum. Þegar kaupendur hafa fengið eignina afhenta aðstoðum við líka við þætti eins og húsfélagsfundir, hita og rafmagn, aðstoðum við ýmis samskipti við bæjarfélagið og bara almennt við að koma kaupendum hratt og örugglega inn í spænskt samfélag þar sem þeir munu eiga sitt annað heimili um ókomin ár.“

Nánari upplýsingar má finna á [www.spanarheimili.is](http://www.spanarheimili.is).




Fasteignirnar í Lomas de Cabo Roig eru einstaklega glæsilegar.



Fasteignirnar eru glæsilegar í La Zenia en svæðið er eitt það vinsælasta í þessum hluta Spánar.



Við opnun nýju skrifstofunnar sem er til húsa í verslunarmiðstöðinni Firðinum í Hafnarfirði.



Notaleg sundlaugin, pálmatrén og stöðugt verðurfar gerir dvölin á Spáni ógleymanlega.



# Fjörðurinn aldrei verið betri

Verslunarmiðstöðin Fjörður í miðbæ Hafnarfjarðar er sannkallað hjarta verslunar, þjónustu og samgangna í Hafnarfirði. Þar er að finna fjölda verslana, kaffihús og veitingahús. Um ein milljón viðskiptavina fer þar í gegn á hverju ári. Ný matvöruverslun var opnuð nýlega.

Samkaup hafa opna nýja Krambúð í Firði verslunarmiðstöð. Krambúðirnar eru þar með orðnar átta talsins. Gunnar Egill Sigurðsson, framkvæmdastjóri verslunarsviðs Samkaupa, segist spennur fyrir opnun Krambúðarinnar í Firðinum.

„Það er ánægjulegt að fá tækifæri til þess að opna hér verslun. Fjörðurinn er í mikilli uppbyggingu og það rímar við framtíðarsýn Samkaupa,“ segir Gunnar en til stendur að stækka verslunarkjarnann enn frekar og auðga þar með miðbæjarlífið í Hafnarfirði. Efri hæðir viðbyggingarinnar munu hýsa hótél.

## Þægindaverslun

Gunnar Egill segir Krambúðina svokallaða þægindaverslun. Krambúðirnar einkenni langur opnunartími og úrval helstu heimilisvara á sanngjörnu verði. „Viðskiptavinir okkar ganga að tilboðum vísum og geta gripið með sér nýbakað brauð og kaffi þegar þeir eru á hraðferð en mikil eftirspurn er eftir slíkri þjónustu. Við höfum mætt þeirri eftirspurn með því að endurnýja og stækka verslanirnar og með því að opna fleiri,“ segir Gunnar.



Valdimar Guðmundsson, verslunarstjóri nýju Krambúðarinnar, og Guðmundur Bjarni Harðarson, framkvæmdastjóri Fjarðar, bjóða viðskiptavinum velkomna í Fjörðinn.  
MYNDIR/ANTON BRINK



Dótabúðin Leikfangaland þekur 300 m<sup>2</sup> í Firðinum. Sylvia Pálsdóttir er verslunarstjóri Leikfangalandsins.



Langur opnunartími og úrval heimilisvara á sanngjörnu verði einkenni Krambúðirnar.



Vigdís Erla Grétarsdóttir er verslunarstjóri Skóhallarinnar.

## Gott úrval í Skóhöllinni

Skóhöllin hefur boðið breitt úrval skófatnaðar á alla fjölskylduna í 13 ár í Firðinum. Vigdís Erla Grétarsdóttir, eigandi Skóhallarinnar, leggur áherslu á persónulega og góða þjónustu. „Við tökum vel á móti viðskiptavinum og hér ættu allir að geta

funduð skó við sitt hæfi,“ segir Vigdís. „Hér fást merki eins og Tamaris, SixMix, Skechers, Marco Tozzi og Imac. Við bjóðum einnig mikið úrval af sokkabuxum og sokkum frá Falke og þá höfum við gott úrval af veskjum og töskum.“



Verslunin Úr og gull hefur verið í Firðinum frá upphafi eða í 23 ár. Elisabet Bððvarsdóttir verslunarstjóri býður fólk velkomið.



Í Kökulist er hægt að kaupa veitingar bæði til þess að njóta á staðnum og gripa með.



Jóhanna Júlíusdóttir býður konur á öllum aldri velkomnar í verslunina Kona.

## Vönduð hönnun í Kona

Mosh Mosh, Créton og Carla eru meðal merkja sem verslunin Kona býður upp á. Laufey Villhjálmstöttir, eigandi Kona, segist leggja áherslu á að bjóða öðruvísi vöruúrval en annars staðar. Verslunin býður

einnig fatnað frá spænska merkinu Desiguel sem nýtur mikilla vinsælda. „Fötin frá Mosh Mosh eru töff meðan Créton leggur áherslu á fágum og klassik. Þeir sem vilja fara mitt á milli geta funduð það sem þeir leita að í Carla,“ segir Laufey.



Meðal þjónustaaðila í Firðinum er Pósturinn.



Smart Boutique býður úrval glæsilegra skinnvara.





Það er afslappaður og notalegur sjarmi yfir miðbæ Hafnarfjarðar.

# Miðbær Hafnarfjarðar er að breytast í Notting Hill

Fjöldi nýrra veitingastaða og kaffihúsa í miðbæ Hafnarfjarðar hefur gjörbreytt landslaginu og íbúar nærliggjandi sveitarfélaga kjósa orðið Fjörðinn fram yfir ferðalag í höfuðstaðinn.

Nokkur ár eru liðin frá því að hin ástsæla hljómsveit Papar söng um Hafnarfjörð og hversu erfitt það væri að yfirgefa bæinn. Miðað við bæjarbraginn þessi dægri er ljóst að þær textasmíðar eiga jafnvel betur við í dag en þá og fullyrða má að íbúar sveitarfélagsins séu í miklum meirihluta ánægðir með þær breytingar sem orðið hafa á miðbænum. Þá ánægju mátti meðal annars lesa út úr árlegri þjónustukönnun sem Gallup gerir en samkvæmt nýlegum niðurstöðum hennar eru 91% íbúa Hafnarfjarðar ánægðir með sveitarfélagið sem stað til að búa á.

„Miðbær Hafnarfjarðar hysir marga bestu og jafnframt skemmtilegustu veitingastaði og kaffihús,“ segir Rósa Guðbjartsdóttir, formaður bæjarráðs, og bætir við að hún vilji helst gera orð Einars Bárðasonar, samskiptastjóra Hafnarfjarðar, að sínum en í færslu á samfélagsmiðlinum Facebook nýverið líkti hann Hafnarfirði við Notting Hill hverfið í London. Nefndi Einar að í bænum mætti finna lítil kaffihús og litlar búðir sem rekin væru af heimamönnum en færri útibú stærri fyrirtækja. Og allt um kring mætti merkja þennan sérstaka bæjarbrag.

Rósa segir að miðbær Hafnarfjarðar hafi ávallt verið nokkuð líflægur en engu að síður hafi á undanförunum misserum orðið mikil breyting. „Ég má til með að nefna að tvö ný og sérlega metnaðarfull veitingahús, VON mathús og



Brikk, kaffihús og bakari við Norðurbakkann hefur verið mjög vinsæll áningarstaður hjá Hafnfirðingum og nærsveitamönnum.



Bókakaffi á Norðurbakkanum setur skemmtilegan svip á bæjarumhverfið.

Hugmyndasamkeppni verður um framtíðarskipulag og niðurstöður ættu að liggja fyrir á 100 ára afmæli bæjarins 1. júní.

Krydd, bættust við blómlega flóru og tel ég að þau séu svolítið að færa matarmeninguna í bænum upp á nýjan stall. Við sjáum einnig að það eru ekki eingöngu Hafnfirðingar sem eru að sækja þessi veitingahús heldur kemur fólk alls staðar að af höfuðborgarsvæðinu í Fjörðinn til að gera vel við sig í mat og drykk.“

Þá nefnir Rósa að eftir endurlifun Bæjarbíós, sem er við Strandgötu, í hjarta bæjarins, sé tónleikahald í bænum komið í fastar skorður og svo gott sem vikulega fái íbúar Hafnarfjarðar, og nærsveitamenn, tækifæri til að berja augum vinsælustu hljómsveitir landsins. „Bæjarbíó er að toppa sig í tónleikahaldi nánast í hverri viku og til merkis um það má nefna að Mammút spilar á fimmtudag og Prins Póló stigur á svið á föstudaginn. Í næstu viku eru það svo Dúndurfréttir sem sjá um skemmtanahald. Þetta setur svip sinn á bæinn og auðvitað eru það lífsgæði að þurfa ekki að fara út fyrir bæjarmörkin til að sjá flottustu listamennina,“ segir Rósa.

**Verslunin blómstrar**

Kaffihúsamenningin í Hafnarfirði

hefur einnig breyst með tilkomu fleiri staða. „Súfistinn er auðvitað eitt elsta og skemmtilegasta kaffihús landsins og samgróid Hafnfirðingum en það fær verðuga samkeppni frá viðbótum á borð við hið litríka Pallett, bókakaffið Norðurbakka og Brikk en segja má að það síðastnefnda hafi hreinlega slegið í gegn. Og öll þessi dásamlegu kaffihús eru á einhverjum þriggja mínútna radius. Og enn eru að bætast við staðir.“

Meðfram öllum þessum breytingum segir Rósa að verslun blómstri í miðbæ Hafnarfjarðar sem aldrei fyrr. Þar sé meðal annars hægt að finna fallega hönnunar- og gjafavöru. „Hér eru verð töluvert skaplegri en í miðborg Reykjavíkur, næg bílastæði, almenningsamgöngur góðar og sérlega vel skipulagðir hjólastigar. Hafnarfjörður er því tilvalinn áfangastaður fyrir alla sem vilja njóta en ekki þjóta.“

Hvað uppbyggingu til framtíðar varðar segir Rósa margt í deiglu, meðal annars í tengslum við hafnarsvæðið í grennd við miðbæinn. Þar er gert ráð fyrir að byggja upp þetta og blandaða byggð með verslun og þjónustu. Haldin var hugmyndasamkeppni um framtíðarskipulagið og mun niðurstaða dómnefndar liggja fyrir eigi síðan en á 100 ára kaupstaðarafmæli bæjarins, þann 1. júní næstkomandi. „Það er margt spennandi fram undan í miðbæ Hafnarfjarðar og óhætt að segja að borgarstemning sé að myndast í bænum.“





Í nýju Hraunahverfi, Hraun-Vestur, mun á næstu árum verða til líflegt umhverfi fyrir alls konar fólk.

# Byggt verður upp fimm mínútna hverfi

Hraun-Vestur verður glæsilegt hverfi og andlit Hafnarfjarðar með áherslu á náttúrufegurð og kyrrð en einnig þéttari byggð með íbúðum, vinnustöðum, stofnunum, verslunum og þjónustu.

Í nýju Hraunahverfi, Hraun-Vestur, mun á næstu árum verða til líflegt umhverfi fyrir alls konar fólk. Hverfið verður aðlaðandi fyrir barnafjölskyldur, einstaklinga og eldri borgara, fólk sem kys að sækja grunnþjónustu innan hverfisins og lágmarka notkun einkabílsins. Við uppbygginguna verður það sett að markmiði að ná fram fjölbreyttu borgarumhverfi þar sem hægt er að ganga með börnin í skóla eða leikskóla, nota almenningsamgöngur til vinnu og koma við í búðinni að loknum vinnudegi og áður en börnin eru sótt á frístundaheimilið.

Hverfið hefur verið í hönnun og undirbúningi undanfarin ár og ættu framkvæmdir að geta hafist upp úr næstu áramótum. Hverfið fékk á hönnunarstiginu viðurnefnið „Fimm mínútna hverfið“ en sú hugmynd gengur út á að íbúar hverfisins geti fengið flesta þá þjónustu sem nauðsynleg er í ekki meira en fimm mínútna fjarlægð frá miðju hverfisins. Þar er því sleginn nýr tónn í skipulagsmálum. Áhersla verður lögð á góða blöndun íbúðabygðar, þjónustu, léttis íðnaðar, verslana, skóla-, dagvistunar- og frístundasvæða. „Sifell er kallað eftir fleiri og nýjum möguleikum í húsnæði og

er ungt fólk sem er að stofna fjölskyldur margt með aðrar áherslur í þeim efnum en þeir sem eldri eru. Einnig þeir sem eru að minnka við sig húsnæði. Í dag gera sifell fleiri auknar kröfur um betri nýtingu fermetra húsnæðis og lóðar. Eftirsóknarvert þykir orðið að búa í hverfi þar sem stutt er í þjónustu, almenningsamgöngur og græn svæði,“ segja Rósa Guðbjartsdóttir, formaður bæjarráðs, og Guðlaug Svala Steinunnar Kristjánsdóttir, forseti bæjarstjórnar, í nýlegri grein um Hraun-Vestur.

## Glæsilegt andlit Hafnarfjarðar

Unnið hefur verið að hugmyndum um Hraun-Vestur allt þetta kjörtímabil og er það í samræmi við áralangar umræður um nýja sýn á svokallaðri framhlið Hafnarfjarðar. „Hraun-Vestur er ekki bara ný glæsileg framtíðarsýn heldur verður hverfið nýtt glæsilegt andlit Hafnarfjarðar sem mun gera okkur öll stolt



Rósa Guðbjartsdóttir.



Hverfið fékk á hönnunarstiginu viðurnefnið „Fimm mínútna hverfið“ en sú hugmynd gengur út á að íbúar hverfisins geti fengið flesta þá þjónustu sem nauðsynleg er í ekki meira en fimm mínútna fjarlægð frá miðju hverfisins.



MYND/ GUÐMUNDUR FYLKISSON

af því að bjóða gesti og nýja íbúa velkomna,“ segir jafnframt í ofangreindri grein.

Eins og áður segir er stefnt að því að Hraun-Vestur verði „fimm mínútna hverfi“ en engu að síður verða staðsetningar helstu grunnþjónustu, eins og skóla, leikskóla, bílastæðahúsa, bílastæðakjallara og helstu tenginga við almenningsamgöngur með einnar mínútna millibili. Breið-

götur munu liggja báðum megin við hverfið, Fjarðarhraun og Reykjavíkurvegur, og fyrirhuguð Borgarlína fer líklega um Reykjavíkurveg og tengir því hverfið vel höfuðborgarsvæðinu. Borgargötur mynda helstu þvertengingar í gegnum hverfið og við þær er gert ráð fyrir líflegri verslun. Þá munu almenningsamgöngur fara um borgargötturnar og hjólréidastigar liggja við þær. Bílastæði verða í bílastæðahúsum, bílakjöllurum og göturýmum en útfærslur á götumynd verða að norrænni fyrirmynd.

„Gildi umhverfisverndar og vitund um gæði og betri nýtingu fellur vel að lífsstíl fólks á öllum aldri. Það er áskorun en um leið

frábært tækifæri að geta mætt þeim gildum með nýju hverfi og um leið nýju andliti Hafnarfjarðar. Við teljum að Hraun-Vestur sé einmitt sú borgarmynd sem fólk aðhyllist í auknum mæli og uppfullir óskir um nærumhverfið. Þannig getur Hafnarfjarðarbær bæði státað af því að bjóða frábæra möguleika fyrir þá sem vilja hefðbundið hverfayfirkomulag fyrir íbúðarhús, parhús, radhús og fjölbýli þar sem áherslan er á náttúrufegurð og kyrrð en líka þéttari byggð í hverfi sem er nokkurs konar „smáborg í borg“.

Uppbygging Hraun-Vestur verður í áföngum og er gert ráð fyrir að hverfið í heild byggist á um tíu til tuttugu árum.



# Víkingahátíð á Víðistaðatúni

Víkingahátíð hefur verið haldin í Hafnarfirði í hartnær tvo áratugi, oftast kringum 17. júní. Víkingafélagið Rimmugýgur hefur tekið við hátíðinni sem í ár verður haldin á Víðistaðatúni. Hafsteinn Pétursson og Haukur Hallsteinsson eru félagar í Rimmugýgi.

**Brynhildur Björnsdóttir**  
brynhildur@frettabladid.is



Fyrsta víkingahátíðin í Hafnarfirði var haldin á Víðistaðatúni árið 1995 og þetta er fjórða hátíðin sem verður haldin þar,“ segir Hafsteinn sem hefur veitt Rimmugýgi forstöðu frá upphafi. „Þetta er eiginlega svona endurvakning á fyrstu hátíðinni,“ bætir Haukur við en hann er svokallaður búðastjóri. „Jóhannes á Fjörkránni hefur staðið að hátíðinni undanfarin ár en hefur ákveðið að draga sig út úr þessu hátíðahaldi og þar sem Rimmugýgur hefur verið þátttakandi í Víkingahátíð í Hafnarfirði frá upphafi fannst okkur viðeigandi að snúa aftur til upphafsins.“

Þeir segja að þessi hátíð verði í grunninn eins og hátíðin við Fjörkrána. „Það verða veitingar til sölu og bardagasýningar, handverk, markaður og víkingaskóli barnanna eins og verið hefur,“ segir Hafsteinn, „en við rúkkum ekki aðgangseyri, sem er kannski ein helsta breytingin.“ Haukur segir enn fremur að það sé að mörgu leyti betra að vera á grasi. „Á túninu erum við miklu nær

náttúrunni og þeim heimi sem við viljum búa til. En gallinn er sá að við erum ekki jafn miðsvæðis og þegar við erum í hjarta Hafnarfjarðar. Við efumst samt ekkert um að fólk muni finna okkur því Víðistaðakirkja er mjög auðvelt kennileiti,“ segir Haukur.

Stofnfélagar í Rimmugýgi voru sjö en í félagi eru nú um 200 félagar, þar af hundrað og fimmtíu sem eru virkir í starfinu. „Við erum hédan og þaðan,“ segir Hafsteinn. „Mest af höfuðborgarsvæðinu þó að þó nokkrir félagar búi úti á landi eða erlendis. Á sumrin förum við milli hátíða, bæði hér á landi og erlendis með tjaldbúðirnar okkar og búnaðinn en á veturna æfum við bardaga og bogfimi og sinnum handverki.“ Haukur bætir við að félagið geri ákveðnar kröfur um að búnaður og fatnaður fylgi settum reglum. „Félagar þurfa helst að sauma sinn eigin búning og við höfum mjög flinkar saumakonur og saumamenn sem eru mjög dugleg að hjálpa öðrum að búa til sinn eigin útbúnað, hvort sem er fatnað, tjöld, skó, hanska og svo ýmsa muni sem við þurfum eins og eldunarhöld og þess háttar.“

Rimmugýgur er með félags-



Tjöld og allur búnaður félagsmanna í Rimmugýgi er handgerður af félagsmönnum en hægt verður að kynna sér handverk víkinga nánar á Víðistaðatúni 14.-17. júní.

MYND/ÞORSTEINN R. INGÓLFSSON

heimili og lögheimili í Hafnarfirði. „Hafnarfjarðarbær hefur staðið þétt við bakið á okkur undanfarin ár,“ segir Hafsteinn og Haukur bætir við: „Við finnum mikla velvild meðal bæjarbúa sem hafa verið duglegir að sækja hátíðina og vonumst til að sjá sem flesta á Víðistaðatúni í júní.“

Víkingahátíðin stendur frá 14.-17. júní og er opin frá 13-19 alla dagana. Hún er haldin við Víðistaðakirkju þar sem eru bílastæði en einnig stoppar vagn númer eitt skammt frá. Aðgangur er ókeypis.



Á Víkingahátíð má reyna sig í ýmsum íþróttum, meðal annars eggjakasti. MYND/ÞORSTEINN R. INGÓLFSSON



Bogfimi er eitt af því fjölmarga sem verður í boði á hátíðinni. Hér má sjá Elinu Reynisdóttur spennna bogann. MYND/ÞORSTEINN R. INGÓLFSSON

## Það er VON í Hafnarfirði

Veitingaparið Kristjana Pura Bergþórsdóttir og Einar Hjaltason reka veitingahúsið VON mathús og bar við höfnina í Hafnarfirði. Þar er eldað af mikilli ástríðu og veittur húskokteill af krana.

Við létum drauminn rætast og opnuðum í desember 2015. Það hefur gengið ótrúlega vel. Þessi ár höfum við stigið okkar fyrstu skref í eigin rekstri og það er einstaklega skemmtilegt og lærdómsríkt ferli,“ segir Kristjana um draum þeirra Einars sem hefur blómstrað og dafnað allar götur síðan.

Saman eiga þau fjögurra ára dóttur og því geta dagarnir verið heilmikið þúsluspil, eins og gengur.

„Vinnudagarnir geta verið langir og strangir en við njótum þess láns að fá ómetanlegan stuðning frá fjölskyldu og vinum. Án þeirra gætum við ekki unnið jafn vel að VON. Það er krefjandi og gefandi á sama tíma, alls ekki fyrir alla, en blóð, sviti og tár er lífsstíll,“ segir Kristjana hlátur-mild.

### Kokteilar, stemning og íslensk matargerð

Kvöldseðill VONAR samanstendur af minni og stærri réttum; dýrindis kjöt-, fisk-, grænmetis- og veganréttum og gómsætum eftirréttum.

„Við bjóðum upp á eitthvað fyrir alla og leggjum mikið upp úr árstíðabundinni íslenskri matargerð, hvort sem það er grænmeti eða sjávarafurðir. Fiskinn fáum við glænýjan beint úr næsta húsi, eða frá Hafinu sem stendur við höfnina,“ útskýrir Kristjana. VON býður einnig úrval léttu rétta sem er tilvalið að deila og þriggja rétta samsettan matséðil.

Á VON er indælt að tylla sér inn og eiga notalega kvöldstund yfir mat og drykk.

„VON á alltaf vel við; í góðum félagskap, með ástinni, fyrir tónleika eða leikhús. Á barnum er freistandi úrval kokteila og hægt að panta okkar vinsæla húskokteill beint af krana sem vakið hefur mikla lukku. Við lögum líka okkar eigið dásamlega súrsæta limonaði, bökkum okkar eigið brauð á hverjum morgni og matreiðum allan mat frá grunnni af mikilli ástríðu,“ segir Kristjana.

Í hádeginu á þriðjudögum til föstudags er „happy hour“ af völdum drykkjum á VON þar sem framreiddir eru réttir dagsins á sanngjörnu verði, og á laugar-dögum er fjölskyldubrönsinn vinsæli og einnig er hægt að gæða sér á fiski dagsins, vöfflum, limonaði og mimósu, svo fátt sé upptalið. Lokað er á sunnudögum og mánudögum, en í júní, júlí og ágúst verður opið á sunnudagskvöldum.

„Okkur er kært að byggja upp heilbriggt og jákvætt vinnuumhverfi til lengdar, bæði fyrir okkur sjálf og starfsfólkið. Við erum fjölskyldurekinn staður og því er mikilvægt að allir fái hvíld inn á milli til að sinna fjölskyldunni og öðrum áhugamálum,“ segir Kristjana.

### Gott að lifa og starfa í Hafnarfirði

Kristjana er uppallinn Hafnarfirðingur og segist aldrei hafa upplifað Hafnarfjörð eins og nú.

„Bærinn hefur breyst mikið undanfarin ár og það er yndislegt að fylgjast með iðandi mannlífi og lifandi starfi hér alla daga. Ný kaffi- og veitingahús gæða bæinn miklu lífi og Bæjar-



Veitingaparið Kristjana Pura Bergþórsdóttir og Einar Hjaltason á VON mathúsi og bar.

bió heldur sannarlega áfram að toppa sig. Hafnarfirðingar og gestir þeirra kunna svo sannarlega að meta fjölbreytni í þjónustu og verslun í þessum fagra bæ. Svo er náttúrulega alkunna að Hafnarfirðingar eru hress og skemmtilegt fólk heim að sækja,“ segir Kristjana og hlær.

Kristjana og Einar eru virk á samfélagsmiðlum og hægt að fylgjast með daglegu amstri á bak við tjöldin á vonmathus á Instagram og Facebook.

VON mathús og bar er á Strandgötu 75. Sjá vonmathus.is. Sími 583 6000. Netfang: info@vonmathus.is.



VON er rómað fyrir ljúffengan mat úr fersku hráefni og matarupplifanir sem gleðja alla sem unna góðum mat.



VON mathús og bar er glæsilega innréttað og hægt að láta fara einkar vel um sig yfir gómsætri, íslenskri matargerð, dýrindis kokteilum og góðri þjónustu.



# Golfnámskeið hjá Golfklúbbnum Keili



## Námskeið í stutta spilinu

Pútt, há og lág vipp, fleyghögg og glompuhögg

Námskeið			PGA Kennari
1	12:00 - 12:50	22., 24., 29. og 31. maí	Karl Ómar
2	17:00 - 17:50	22., 24., 29. og 31. maí	Björn Kristinn
3	19:00 - 19:50	22., 24., 29. og 31. maí	Karl Ómar
4	18:00 - 18:50	28., 30. maí og 4., 6. júní	Björn Kristinn
5	19:00 - 19:50	28., 30. maí og 4., 6. júní	Björn Kristinn
6	18:00 - 18:50	29., 31. maí og 5., 7. júní	Björn Kristinn
7	19:00 - 19:50	29., 31. maí og 5., 7. júní	Björn Kristinn

Prír til fimm nemendur í hverjum hóp

Verð 12.000 kr.-

Ath. boltar eru ekki innifaldir í verði

Tímarnir henta bæði fyrir byrjendur og lengra komna.

Skráning er á netfangið [Kalli@keilir.is](mailto:Kalli@keilir.is)

## Pútt, vipp, járnhögg og teighögg

Gott ráð er að láta PGA kennara athuga tæknina hjá sér fyrir sumarið

Námskeið			PGA Kennari
8	09:00 - 09:50	28., 30. maí, 4., 6. og 11. júní	Björn Kristinn
9	12:00 - 12:50	28., 30. maí, 4., 6. og 11. júní	Björn Kristinn
10	19:00 - 19:50	5., 7., 12., 14., og 19. júní	Karl Ómar

Prír til fimm nemendur í hverjum hóp

Verð 15.000 kr.-

Ath. boltar eru ekki innifaldir í verði

Tímarnir henta bæði fyrir byrjendur og lengra komna.

Skráning er á netfangið [Kalli@keilir.is](mailto:Kalli@keilir.is)

## Námskeið fyrir nýja félaga í Keili

Námskeiðin eru eingöngu ætluð þeim sem eru að stíga sín fyrstu spor í golfíþróttinni og eru innifaldir í nýrri aðild að Golfklúbbnum Keili.

Golfklúbburinn Keilir hefur það á stefnuskrá sinni að taka vel á móti öllum nýjum félögum og sjá til þess að þeim standi til boða fræðsla og þjálfun í golfleiknum.

### Hópur 1

Grunnatriði í sveiflu og stutta spilinu

Þriðjudagur 22. maí kl. 18:00 til 20:00 Björgvin og Björn

Fundur með golfdómara, [golf.is](http://golf.is)

Miðvikudagur 23. maí kl. 19:00 til 20:30 Hörður Geirsson

Leikur á Sveinkotsvelli

Fimmtudagur 24. maí kl. 18:00 til 20:00 Björgvin og Björn

### Hópur 2

Grunnatriði í sveiflu og stutta spilinu

Þriðjudagur 5. júní kl. 18:00 til 20:00 Björgvin og Björn

Fundur með golfdómara

Miðvikudagur 6. júní kl. 19:00 til 20:30 Hörður Geirsson

Leikur á Sveinkotsvelli

Fimmtudagur 7. júní kl. 18:00 til 20:00 Björgvin og Björn

Skráning er á netfangið [Kalli@keilir.is](mailto:Kalli@keilir.is)

Farið er í gegnum grunnatriði í púttum, stutta spilinu og grunnatriði í sveiflu.

Í leikur á velli hlutanum sýna kennarar hvernig við berum okkar að við að leika golf og fara í helstu reglur og siði. Til þess að fá heimild til þess að leika á Hvaleyrarvelli er gert ráð fyrir að fólk hafi farið á námskeið hjá klúbbnum ásamt því að hafa náð forgjafarlágmarki (34,4). Þeir kylfingar sem hafa verið áður í golfklúbbi eða eru komin með forgjöf þurfa ekki að sækja þessi námskeið.

## Byrjendanámskeið í golfi

Lærðu grunnatriðin í golfi í púttum, vippum og sveiflu hjá PGA golfkennara. Í lok námskeiðs eru leiknar 2-3 holur á Sveinskotsvelli. Það er gaman í golfi og þetta er kjörin leið til að kynast íþróttinni.

### Námskeið

11	10:00 - 12:00	Helgin 26. - 27. maí	PGA golfkennari
12	10:00 - 12:00	Helgin 2. - 3. júní	PGA golfkennari
13	10:00 - 12:00	Helgin 23. - 24. júní	PGA golfkennari
14	10:00 - 12:00	Helgin 25. - 26. ágúst	PGA golfkennari

Fjórir til tólf nemendur í hóp

Verð 16.000 kr.-

Hægt er að fá lánaðar kylfur og kúlur á staðnum.

Skráning er á netfangið [Kalli@keilir.is](mailto:Kalli@keilir.is)

## Golfleikjaskólinn er fyrir allar stelpur og stráka á aldrinum 5 - 8 ára og 9 - 12 ára

Markmið skólans er að fyrstu kynni af golfi eru jákvæð og það er gaman að leika golf

- farið er í helstu þætti golfleiksins, allt frá púttum til upphafshögga
- leiknar eru nokkrar golfholur á golfvelli
- kennsla er gjarnan í forni þrauta og golfleikja
- áhersla er á að kynna helstu golfsiði og golfreglur fyrir krökkunum

### Dagsetningar í sumar:

1.	11. - 15. júní	Fimm dagar (mán. til föst.)	14.000 kr.-
2.	18. - 22. júní	Fimm dagar (mán. til föst.)	14.000 kr.-
3.	25. - 29. júní	Fimm dagar (mán. til föst.)	14.000 kr.-
4.	2. - 6. júlí	Fimm dagar (mán. til föst.)	14.000 kr.-
5.	16. - 19. júlí	Fjórir dagar (mán. til fim.)	11.000 kr.-
6.	30. júlí - 3. ágúst	Fimm dagar (mán. til föst.)	14.000 kr.-
7.	13. - 15. ágúst	Prír dagar (mán. til mið.)	8.500 kr.-

Hægt er að velja um að vera á námskeiði frá kl. 9:00-11:30 eða kl. 13:00 -15:30.

Í boði er að fá lánaðan U.S.Kids Golf útbúnað meðan á námskeiði stendur.

Allir eiga að mæta með hollt og gott nesti.

Golfleikjanámskeiðin kosta 14.000 kr.- fyrir fimm daga.

Veittur er 20% systkinaafsláttur og einnig ef viðkomandi sækir fleiri en eitt námskeið.

Umsjón með golfleikjaskólanum hefur Karl Ómar Karlsson íþróttastjóri Keilis og veitir hann allar nánari upplýsingar á netfangið [kalli@keilir.is](mailto:kalli@keilir.is)

Námskeiðum lýkur með pylsuveislu og afhendingu viðurkenningarskjals frá Keili.

Skráning hefst 10. maí 2018. Skráning fer fram rafrænt á [keilir.felog.is](http://keilir.felog.is)

Nánari upplýsingar um námskeiðin er að finna inn á [keilir.is](http://keilir.is) undir liðnum íþróttastarf



**Hraunkot**  
Golfæfingasvæði





Ásvallalaug er 50 metra löng og hentar vel fyrir sundkeppni.

MYND/VALLI

## Sundlaugar opnar lengur í sumar

Í Hafnarfirði eru þrjár góðar sundlaugar, Suðurbæjarlaug, Ásvallalaug og Sundhöllin sem er sú elsta í bænum. Ákveðið hefur verið að lengja opnunartíma sundlauganna í sumar. Ásvallalaug og Suðurbæjarlaug verða opnar frá kl. 6.30-22 á mánudögum, þriðjudögum, miðvikudögum og fimmtudögum. Á föstudögum er opið til 20 en á laugardögum er opið frá 8-18 og sunnudögum frá 8-17.

Frá 3. júní verður sérstök sumaropnun í Suðurbæjarlaug á sunnudögum en þá verður laugin opin frá 9-21 og gildir það út júlí.

Sundhöllin í Hafnarfirði er opin alla virka daga frá 6.30-21. Sundhöll Hafnarfjarðar var fyrsta sundlaugin í Hafnarfirði. Í fyrstu var aðeins um að ræða útilaug við Krosseyrarmalir sem tekin var í notkun árið 1943. Árið 1953 var síðan Sundhöllin sjálf tekin í notkun eftir að byggt var yfir útilaugina. Laugin er mikið notuð af eldri borgurum enda er þar rólegt og afslappað umhverfi.

Ásvallalaugin er nýjasta laugin í Hafnarfirði en hún var vígð árið 2008. Þar er 50 metra keppislaug auk 17 metra barnalaugar. Laugin er innanhúss og vinsæl hjá barnafólki og sundköppum.



Það er alltaf eitthvað um að vera á Bókasafni Hafnarfjarðar.

NORDICPHOTOS/GETTY

## Spennandi dagskrá á bókasafninu

Bókasafn Hafnarfjarðar er með fjölbreytta dagskrá allt árið um kring. Á laugardaginn kl. 14.00 verður notaleg sögustund á barnadeild bókasafnsins en þá ætlar Guðrún Kristinsdóttir að lesa úr bókinni Á skyndihæð sem nýlega kom út í hennar þýðingu. Um er að ræða hugljúfa sögu fyrir börn á aldrinum 3-8 ára og eru allir velkomnir. Foreldramorgnar eru haldnir annan hvern þriðjudag kl. 10-12 en þá er boðið upp á áhugaverða fyrirlestra og kynningar um ýmislegt sem tengist ungbörnum og barnaupplæðingum. Sá næsti er á dagskrá þann 22. maí. Handavinna er svo í adalhlutverki annan hvern fimmtudag en þá eru allir velkomnir með handavinnuna sína og engin krafa gerð um handvinnukunnáttu. Starfsmaður er á staðnum og aðstoðar eftir þörfum, auk þess sem boðið er upp á einfalt verkefni í þróun eða heklí fyrir áhugasama í viku hverri. Næsti handavinnufundur verður fimmtudaginn 24. maí kl. 17-19.

## Vímuefnaneysla hafnfirskra ungmenna minnkar

Samkvæmt nýrri könnun á lýðheilsu ungmenna í 8., 9. og 10. bekk í Hafnarfirði hefur vímuefnaneysla þeirra dregist verulega saman síðustu tvo áratugi.

Í skýrslu sem unnin var úr könnuninni má finna samanburðartölur sem sýna þróun á neyslu tiundubekkinga á áfengi, tóbaki og kannabisefnum síðan árið 1998.

Það ár höfðu 42% ungmennanna orðið drukkinn síðustu 30 daga,

24% reyktu daglega og 17% höfðu notað hass.

Árið 2008 höfðu tölurnar lækkað töluvert. Þá höfðu 18% ungmennanna orðið drukkinn síðustu 30 daga, 10% reyktu daglega og sjö prósent höfðu notað hass.

Árið 2018 eru þessar tölur svo búnar að lækka enn meira. Nú hafa aðeins 6% orðið drukkinn síðustu 30 daga, tvö prósent reyktu daglega og tvö prósent hafa notað hass. Árið 2009 var byrjað að spyrja um

marijúananeyslu og það ár höfðu 8% notað marijúana, en árið 2018 er sú tala sjö prósent.

Vímuefnaneysla ungmennanna í 10. bekk hefur því minnkað gríðarlega síðustu tvo áratugi, þótt kannabisneysla virðist hafa staðið í stað síðasta áratug, en hún hafði minnkað mikið fyrir það.

Um 900 unglingar tóku þátt í könnuninni og hægt er að lesa skýrsluna um niðurstöður hennar á heimasíðu Hafnarfjarðarbæjar.



# D Höldum áfram + fyrir Hafnarfjörð



## VIÐ ÆTLUM AÐ...

- + Tryggja að framkvæmdum verði lokið við tvöföldun Reykjanesbrautar og endurgerð gatnamóta við Setberg og Kaplakrika
- + Halda áfram á braut ábyrgrar fjármálastjórnunar bæjarfélagsins
- + Endurbyggja Suðurbæjarlaug og stórbæta aðstöðu þar
- + Lækka innritunardur barna í leikskóla úr 15 í 12 mánuði
- + Skipuleggja íbúðir með þjónustukjarna fyrir eldri borgara miðsvæðis á Völlum
- + Skipuleggja litlar íbúðir/smáhúsi í Hamranesi og tryggja nægt lóðaframboð
- + Halda áfram að lækka útsvar, fasteignaskatta og þjónustugjöld, með sérstakri áherslu á barnafjölskyldur